



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

Mallinckrodt, Bernhard von
Monasteri[i] Westphaliae, 1640

Philippvs Imp.

urn:nbn:de:hbz:466:1-11835

citatus Godefrid. Monach. S. Pantal. de illo, ad an. 1192, ita scribit: *Episcopus VVormatiensis obiit, cui Henricus Protonotarius Imperatoris successit.* Præfuit illic, vt ait Bruschius, bene ac prudenter annis nouem. quo stante, necesse est reliqua erroris inexpertia non esse; quando anno 1196 obiisse addit. Eiusmodi autem erroribus isti Episcoporum Catalogi passim scatent; videnturque primi illorum sarcinatores, quibus de veritate plerisque in locis non admodum constituisse apparet, falsos potius numeros alicubi ponere, quam ignorantiam suam silentio agnoscere & fateri voluisse. Porro Henricus prædictus ex Vltraiectionâ diœcesi prodierat. Sequuntur sub hoc & sequentibus Imperatoribus tres ordine Conradi, Palatij Imperialis Cancellarij; qui fortè tenebras & confusionem passi fuissent, nisi cuique titulus Ecclesiasticæ dignitatis adscriptus (omnes enim diuersarum Ecclesiarum Episcopi fuerunt) interno scendi facultatem præstaret.

Tres Conradi, Imperiales Cancellarij.

Conradus Episcopus Hildesheimensis & Herbipolensis.

Illorum primus est Conradus, Episcopus Hildesheimensis ac Herbipolensis, è nobilium de Rabenspurg, aut Reinstein, familiâ, origine Francus Orientalis, vt ait *Chron. Hildesh. manuscript.* Recognouit hic an. 1196 Diploma Henrici, quo Comitatum Veluæ Balduino Vltraiectione Episcopo confirmat, vocatque se illic Hillensemensem Electum. Extat apud Mir. *lib. 2 Diplom. cap. 57; & Notit. Eccles. cap. 159.* Reliquæ recognitiones eius, quas quidem ego repererim, ad Successorem pertinent. An. 1198, vt Bruschius ait, fauore & auxilio Imp. ad Herbipolensem Ecclesiam translatus fuit, Capitularium electione. Fuit sub Henrico VI comes sacræ expeditionis, quæ morte illius Principis in irritum cecidit: nullis enim precibus proceres Germani, qui magno numero in Palaëstinam transfretauerant, ac agmina cruce signatorum auxerant, auditâ Cæsaris morte, retineri potuerunt; interque ceteros etiam Conradus redijt. Sub Henrico Sexto Protonotarium Imperialis aulae reperio Sigeloum nomine, recognitorem literarum illius Principis, ad an. 1193, ap. *Hund. in Metrop. tom. 1, pag. 379.* ac præter illum, Albertum; cuius supra, inter Diplomata vice Colonienfis Archi-Episcopi, vt pote Italici Archi-Cancellarij, recognita, subscriptionem de an. 1196 retuli.

Sigelous.

Albertus.

PHILIPPVS Imp.

Conradus prædictus.

SVb Philippo, Henrici fratre & Successore, perseverauit in Cancellariatus officio Conradus prædictus: qui sub eodem quoque, non tantum seruitij, sed & vitæ finem fecit; vt dubius sim, quid sibi Münsterus, vel quisquis Catalogi Herbipolensium Episcoporum, qui Cosmographiæ eius insertus legitur,

gitur, Auctor est, velit, quando scribit, Conradum hunc trium Imperatorum Cancellarium fuisse. Id enim si verè asseritur, necesse est idem officium sub Barbarossa obiisse: quod tamen vix videtur. ac propterea suspicor, alterutrum sequentium Conradorum illic cum hoc confundi. Testimonia obiti sub hoc Imperatore officij habemus apud Hundium in *Metrop. tom. 1, pag. 79*, vbi privilegium Adelberto Salisburgensi Archi-Episcopo datum an. 1199, hisce formalibus subscriptis: **Conradus Hildeshaimensis Episcopus, Erbipolensis electus, Imperialis aulae Cancellarius, vice Domini Chunradi Moguntini Archi-Episcopi, totius Germaniae Archi-Cancellarij recognoui.** ita repetitur *tom. 2 Metrop. cap. 181*. Idem, an. 1201, subscriptis Diploma eiusdem Philippi, quo Monasterium Steingaden, à maiore auunculo suo fundatum, recipit in protectionem, quam antiquitus *Mundiburdium* vocabant; ac prædia illius ac possessiones confirmat. Exstat apud eundem Hundium *tom. 3, pag. 352*. Erat iusti æquique, ita Bruschius de illo, amantissimus, raptorum ac latronum, & omnium eiusmodi sceleratè viuentium hominum summus osor: quæ res mortem ipsi acceleravit. Duorum enim Auratorum Equitum conspiratione, Pothonis à Reinstein & Henrici gentis Canum à Falkenberg, quos ob facinora aliquoties acriter reprehenderat, prope summam Herbipol. Basilicam nefariè trucidatus fuit, an. 1203.

Successorem Conradus habuit Hartvvicum Episcopum Aichstetensem, è Comitibus de Hirsberg; (illi antiquitus Aduocati Aureatensis, siue Dryopolitanae Ecclesiae fuerunt) vel, ut alij volunt, de Sultzbacho, (suspicitur Bruschius maternam hinc originem habuisse) ut ex Ursbergensi, qui scribit Comitibus de Tollenstein fratrem fuisse, Hundius in *Metrop. tom. 1, pag. 200*; & Gretserus in *Catal. Episcoporum Aistetens.* referunt. Verba prædicti Abbatis hæc sunt ad an. 1205: *His temporibus Conradus Herbipolensis Episcopus, Imperialis aulae Cancellarius, qui de Hildeshaim illuc translatus fuerat, impiorum gladijs occisus occubuit; videlicet quorundam ministerialium de castro apud Herbipolim, quod vocabatur Rauensburg; quod tamen postmodum à ciuibus Herbipolensibus est destructum. illi quoque homines nefarij de terra sunt expuls.* Huic in officio Cancellarij successit Episcopus Aichstetensis, frater Comitibus de Tollenstein; quo tamen in breui ab eo officio pulso, Episcopo Ratisponensi illud est collatum. Hartvvicus hic, sub Friderico II, an. 1223 obiit, post vigesimum octauum annum curæ pastoralis suæ. In Diplomatum antiquis necdum mihi hic occurrit.

Hartvvicus
Episcopus
Aichstetensis.

Conradus
Episcopus
Ratisbonensis.

Conradus Episcopus Ratisbonensis Hartvvico Eistetensi in Cancellariatu

lariatu successit; vti non tantum Vrspergenſis Abbatis iam relatus locus, ſed etiam Hundiana Metropolis tom. 1, pag. 200, fidem faciunt. Fuit hic filius Conradi Comitis de *Frontenhausen* & *Teisbach* in Bauaria; cumque familiae ſuae vltimus eſſet, pleraque bona Ratisbonenſi Eccleſiae ſuae dono obtulit; praeterquam quod *Frontenhausen* Comitatus ad Ludouicum Bauariae Ducem emptione delatus eſt. Hic recognouit confirmationem Philippi ſuper poſſeſſionibus Praepoſiturae *Bercholsgadensis*, an. 1204; apud Hund. tom. 2 *Metrop.* pag. 179. Scribit idem Auctor ex Apulia reuerſum, anno 1226 obiſſe: vnde coniectio, etiam apud Fridericum II forte Cancellariatus honorem geſſiſſe; qua de re certius conſtaret, ſi Diplomata opitularentur.

*Conradus
Episcopus
Metensis &
Spirensis.*

*Conradus
Protonota-
rius.*

Conradum Spirenſem & Metenſem Episcopum, etiam Philippi Cancellarium fuiſſe ait *Leheman in Chron. lib. 4, cap. 46*; & *Bruschius in Catalogo*; ſcribiturque praesens ad fuiſſe in cubiculo, quo tempore ab Othone de *Wittilſbach* Philippus caſus eſt. quae occaſio illi fuit Imperialia inſignia ad ſe recipiendi. de hoc reliqua refera ſub Successore Othone. A praedictis autem videtur alius eſſe *Conradus Philippi Imp. Protonotarius*, de quo *Metrop. Salisb. tom. 2, pag. 64, ad an. 1198*. Certi tamen de iſta diuerſitate nil ſtatuerim. Nam & ab *Vrspergenſi Abbate*, ſimiliter non niſi Protonotarij officium apud hunc Imperatorem praestituiſſe, praedictus *Spirensis Praesul* ſcribitur. quem erronee *Henricum de Scharfenberg* vocat. Forte autem is, hunc *Spirenſem Praesulem*, regium Cancellarium, cum *Henrico Wormatiensi*, de quo dixi, circa eadem tempora aulae Protonotarium, confundere videri poſſit.

OTHO IV Imp.

**Henrici
Leonis pra-
scripti filius.*

*Herman-
nus Episco-
pus Monaf-
terienſis.*

Electus in schismate contra Philippum Otho Pictauienſis Comes, e Saxoniae Ducum proſapia, *post aemuli ſui mortem tandem pacificus Imperij Successor & poſſeſſor fuit: donec Pontificis gratia excidens, nouus contra illum aduerſarius leuaretur *Fridericus II*. Huic in ordine primus a Cancellis ſeruiuit *Herman*. Comes a *Catzenelnbogen*, Episcopus *Monasterienſis*; quem an. 1201 aliquot *Othonis Diplomata* recognouiſſe, ſcribit in *Chron. ſuo Kleinſorgius*. Idem anno praeced. 1200, ſubſcripſit eiſdem Diploma, quo *Coloniensi Archi-Episcopo* confirmantur omnia bona, quae *Philippus de Heinsberg* praedeceſſor eius quondam de patre Imperatoris *Henrico Leone* obtinuerat, quod extat apud *Dn. Aegid. Gelenium lib. 1 de vita S. Engelberti*. Fuerat hic *Friderici Aenobarbi* non tantum in bellis Italicis commilito, ſed etiam ſacrae in *Syriam* expeditionis comes, & ad *Graecorum Imperatorem* miſ-

lax